



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration
Operational Center

Broj: 04-44-1-192/19
Sarajevo, 14.11.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 13.11.2019. do 07:00 sati 14.11.2019. godine

Kantonalni operativni centar civilne zaštite Kantona Sarajevo je dana, 13.11.2019. godine u 10:45 sati primio informaciju od građana, da je u ul. Grbavička br. 40., Općina Novo Sarajevo jak vjetar prouzrokovao štetu na krovu stambene zgrade, odvalio dio limene pokrivke koja može pasti s krova i pri tome ugroziti ljude i materijalna dobra. Dežurni u Kantonalnom operativnom centru civilne zaštite je o istom odmah obavijestio direktora Kantonalne uprave civilne zaštite Kantona Sarajevo i Službu civilne zaštite Općine Novo Sarajevo. Po nalogu direktora Kantonalne uprave civilne zaštite Kantona Sarajevo, Služba civilne zaštite Općine Novo Sarajevo je angažovala pripadnike DVD Novo Sarajevo, koji su odmah izašli na lice mjesta i preduzeli neophodne mjere zaštite i spašavanja (postavili trake upozorenja za građane i obezbijedili to mjesto), do dolaska pravnog lica (upravitelja) nadležnog za održavanje zajedničkih dijelova te stambene zgrade, koje je preduzelo neophodne mjere na uklanjanju dijelova limene pokrivke i na saniranju oštećenog dijela krova.

Kantonalni operativni centar civilne zaštite Kantona Sarajevo je obavješten od Općinskog operativnog centra civilne zaštite Hadžići, da su jaki udari vjetra u toku 12. i 13.11.2019. godine prouzokovali štetu na stambenom objektu (odnijeli crijep sa dijela krova) u ul. Bjelašnička br. 162. u naselju Pazarić, te da je došlo do obaranja stabala na putnu komunikaciju (ul. Bjelašnička bb) u



naselju Pazarić. U navedenim slučajevima na teren su odmah izašli uposlenici Službe za civilnu zaštitu Općine Hadžići, koji su angažovali pripadnike DVD Tarčin, koji su privremeno sanirali dio oštećenog krova na stambenoj zgradi i uklonili stabla sa putne komunikacije. Uslijed jakih udara vjetra došlo je također i do: padanja pokrivke stubišne konstrukcije sa stambene zgrade u ul. Hadželi br. 75. u naselju Hadžići i tom prilikom pričinjena je šteta na parkiranim motornim vozilima; kao i veće materijalne štete na plastaniku u privatnoj svojini u ul. Bregovi br. 61. u naselju Pazarić.

U izvještajnom periodu Kantonalni operativni centar civilne zaštite Kantona Sarajevo primio je dvije informacije o pronalasku NUS-a i to:

- Dana, 13.11.2019. godine u 09:36 sati od građanina, da su u ul. Mosta spasa br. 1. u naselju Sokolović Kolonija, Općina Ilidža pronađene dvije ručne bombe;
- Dana, 13.11.2019. godine u 16:15 sati od PS Novi Grad, da je u ul. Alibega Firdusa bb, Općina Novi Grad pronađena jedna ručna bomba.

O primljenim informacijama obaviješteni su pripadnici Tima za UES Federalne uprave civilne zaštite, koji će navedena NUS preuzeti u narednom periodu.

Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo u izvještajnom periodu imali su pet intervencija i to: jednu veću i četiri manje. Veća inetrreencija je bila dana, 14.11.2019. godine u 00:41 sati na gašenju požara u prodavnici guma u ul. Safeta Zajke bb, Općina Novi Grad. U intervenciji je učestvovalo 20 vatrogasaca sa sedam vatrogasnih vozila. Požar je lokalizovan u 02:03 sati, a likvidiran u 05:33 sati. Povrijeđenih nije bilo. Manje intervencije su bile slijedeće: četiri tehničke (dvije na uklanjanju oborenih stabala sa saobraćajnice, jedna na uklanjanju potrganog lima sa stambene zgrade i jedna na otvaranju zaglavljjenih vrata).

Iz ostalih općinskih operativnih centara civilne zaštite i s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 9°C, vlažnost zraka 96%, barometarski pritisak 935,0 hPa.



BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1